

HIGIENE PREBENTZIOAREN GOI-MAILAKO TEKNIKARIA

LANPOSTUAREN ZEHATZAPEN LABURRA

-Industria Higieneko Espezialitate Teknikoa eraginkorra izateko funtzio erabakitzaileak egitea (arrisku fisikoak, kimikoak, amiantoa, substantzia kantzerigenoak edo mutagenoak, biologikoak), laneko prebentzioko eta osasuneko planekin, programekin eta jarduerekin lotutako helburuak betetzeko garaian eraginkortasuna eta kalitatea bermatzeko Ertzaintzaren kolektiboan eta SAZLn, arrisku horiek saihesteko eta, hala badagokio, desagerrarazteko edo gutxiagotzeko prebentzio-neurriak proposatzearren.

-Txosten teknikoak egitea hainbat instantziak (GSIN, OSALAN, Segurtasun eta Higiene Batzordeak eta abar) eskatuta.

-Jarduketa-protokoloak egitea eta prestakuntza-ikastaroak ematea Higiene-espezialitateari buruzko laneko osasuna sustatzeko.

EGINKIZUNEN AZALPEN ZEHATZA

- Higiene-espezialitatearen inguruko eginkizun garrantzitsuak –Ertzaintzaren kolektiboari eta SAZLko langileei dagokienez Ataleko Burutzak agintzen dituenak– egitea:

Jarduketa-protokoloak egitea, kalitate-estandarrak eta esleitutako helburuei dagokienez eskuragarri dauden baliabideen optimizazioa bermatuko duten kontrol-mekanismoak ezarriz.

Laneko Higienearekin lotutako alderdiei buruzko azterketak eta ikerketak egitea: laneko ingurunearen kontrola (agente fisikoak, kimikoak eta biologikoak), lanpostu bakoitzaren laneko arrisku-faktoreak identifikatzea, aztertzea eta ebaluatzea ahalbidetzen dutenak.

Lokalen eta lantokien aldizkako ikuskapenak egitea arrisku higienikoekin lotutako alderdiei dagokienez (Arrisku Fisikoak: zarata, bibrazio mekanikoak, erradiazio ionizatzaileak eta irrati-maiztasunak eta mikrouhinak; Arrisku Kimikoak; Amiantoa; Arrisku Kantzerigenoak edo Mutagenoak; Arrisku Biologikoak) disfuntzioak antzemateko eta disfuntzio horiek konpontzeko proposamenak egiteko.

Substantzia kutsatzaileekin edo erradiazioekiko esposizioekin lotutako jarduketetan araudia betetzen dela zaintzea.

Prebentzioari buruzko Eskuliburuak, Arriskuari buruzko Fitxak eta abar egitea.

Ertzaintzako eta SAZLko lanpostuetan aplikatzeko aipatutako espezialitateko prebentzio-programak –atzemandako arriskuak gutxiagotuko eta/edo saihestuko dituztenak– egiten parte hartzea.

Jarduketa-jarraibideak eta -planak garatzea arrisku fisikoen, kimikoen eta biologikoen egoeretan esku-hartzeei aurre egiteko, baita emandako laguntza medikoko programak planifikatu, koordinatu eta gainbegiratzea ere.

Laneko prebentzioaren eta osasunaren alorreko diziplina anitzeko jarduketa-protokoloak eta planak proposatzea Ataleko Burutzari. Hobekuntza egokiak iradokitzea hobekuntza horiek ezarritako kalitate-estandarretara egokitzeko.

Lanpostuen funtzioak betetzeko higie-ne-eskakizunak egitea eta proposatzea.

- Txosten teknikoak egitea hainbat instantziak (Laneko Ikuskatzailatza, Osalan, GSIN, eta abar) eskatuta:

Instantzia judizialek eskatuta, laneko higie-neari buruzko peritu gisa bertaratzea.

Esku artean erabiltzen den informazioaren tratamenduaren eta erabileraren inguruko konfidentzialtasuna gordetzea (datu pertsonalak, datu polizialak, txosten teknikoak, eta abar).

- Higie-neari buruzko prestakuntza orokorreko, espezifikoko eta etengabeko prestakuntzako ikastaroak ematea Ertzaintzaren kolektiboari eta SAZLko langileei:

Laneko prebentzioari eta osasunari buruzko informazio-kanpainak egitea eta/edo beste ekimen batzuk abian jartzea eta haiei buruzko informazioa heda dadin sustatzea.